

同治戊辰孟春定稿

鹽

山

縣

志

京都文采齋梓

新修鹽山縣志序

縣之有志尚矣上官莅新輒檄徵賦役全書所以觀民風考輿圖識物產也鹽山舊有邑志自康熙庚申刻板殘廢書缺有間矣每檄至率以空文具覆守土者恥之余下車後窺欲考證舊

文搜羅新事備一時之掌故而文獻無徵絕少端緒適瞻邑孝廬趙順亭設及前撫篆王君綸階擬修斯書旋以憂去不果余慨然曰莫為之前雖美弗彰莫為之後雖盛弗傳王君作於前余不能繼於後其如公何順亭

先生力贊之往來商確於是  
有孫蓮塘少宰張春旭刺史  
暨邑之紳耆首倡盛舉士  
論翕然僉謂纂修之事非  
劉顓夫觀察莫辦余謂得其  
人矣觀察博覽羣書自究  
沂解組後益精考據之學  
過琳圃而搜奇寶入藝苑  
而

採名言洵乎博物君子也抑  
此數公行芳履潔足不登有  
司之堂而獨於修志事延之  
弗辭所謂非公不至濟公樂  
義者此其選乎觀察素懷揚  
德兢、若不敢自信復延請  
南皮博學潘心潭孝廬昇以  
董南之權二公援

古證今披圖索籍又有諸生數  
十人旁搜遠攬推余鑒定於其  
間者稼書先生修志一切物產  
半就刪削此則宏括大涵凡古  
今忠孝節義勲業文章名勝嘉  
植無不登諸志乘以為史筆之  
資而壯高城之色蓋舉百餘年

斷簡殘編至今日而燦然秩然  
何其偉歟丁卯冬全帙告成余  
因公遠出粹為跪梁所乘竟墨  
吏議順亭茲不忘舊問序於余  
余曰是書也秉筆者孝廬據典  
者觀察力闢浮囂勦成公事則  
少宰刺史之功也殫心竭力不

辭艱苦則順亭之勤也至於集腋為裘聽訪必周涸邑紳庶皆與有勞秀何力之有焉獨念余承乏二年毫無善狀謬蒙獎譽卸事後破例公保者前後踵相繼是鹽人之望余方厚余或悻悻然去空無雪泥鴻爪之留人

則殷然余則惘然其有負於鹽人也多矣順亭先生以廣文棄官歸養七十老叟斑衣霞堂余雅重之訂為忘年至將去時戀不忍捨今此之序亦不敢負順亭敦囑之意也云爾是為序

戊辰春清明後三日

賜進士出身前知鹽山縣事遼  
東左泉江毓秀序於高城之  
香魚書院



敘  
鹽山古高城漢都尉治也地連瀛  
海界介燕齊民俗樸直勤儉士風  
崇經術恥奔競以廉隅自礪古今  
人物自漢迄明如鮑司隸王忠肅  
諸公大節凜凜山斗同瞻此外俊  
傑疊興炳彪不一維邑瀕廣斥其  
實畿南名都也志乘之纂肇自前明

國朝康熙初數次增修又六十餘年  
始輯鈔志彼時因督脩府志急於  
成書甫三月而歲事缺遺不少故  
總未付剞劂迄今更歷一百三十餘  
歲欲統二百年之文獻故實粲然  
具備纂續維艱矣同治改元初余  
假館於劉穎夫觀察柵華書舍  
暇時清談每至古今山川人物輒提

媿不倦蓋觀察學有源淵鄴架  
宏富自登第以至解組恒披閱  
簡帙留心掌故遇有闕郡邑事  
蹟輒手錄之時如論辨名曰高故  
輯存予覽而心折其識之博考  
之精也乙丑歲零夢王倫階先生  
來攝鹽篆重士古文延觀察及孫  
蓮塘少宰張春旭刺史諸公議脩

邑志捐廬首倡閭邑振興未幾以  
憂去承德江左泉邑侯蒞任毅然  
思繼前政趙順亭學博又鼓贊之  
少宰刺史提調其間而概藉資觀  
察謀於乙以秉事之責懼弗勝任  
而不獲辭維時採訪諸君子蒐輯  
詳慎先後哀集經邑侯鑒定余與  
諸公裁商體例勉學操觚更賴觀

察命其長君南苙明經襄伙編輯  
冀無譌舛閱歲仔而全帙告竣竊  
思邑之有乘猶國之有史必詳而  
不冗簡而不略辨而不繁乃為  
合體以余譎陋烏足侈此特以諸  
公敦迫故謹慎纂輯編成爲志十有  
五爲卷十有八其子目則共一百要  
此書之成實夢創其始承德要其

三

終尤賴統裁諸公同作合力暨閱邑  
諸紳共成贊助之功余亦得附驥以  
傳且慙且幸今將付梓贅弁俚言  
備陳巔末是爲叙

告

同治六年歲次丁卯嘉平穀旦南皮  
潘震乙心潭甫敬序於袖海山房



序

嘗聞郡邑之志比諸國史所不同者史  
褒貶並見志則有美無刺而取去綦嚴  
焉余少伏讀長從仕老歸田從無干預  
縣事况彰往昭來事關筆削者乎惟性  
好撫拾嘗於披覽書史時見有山川之

紀誌事迹之由傳城域之分合因改族  
姓之居宮廢興閭涉鹽邑者輒筆錄之  
間有辨正久而成帙名曰高故輯存人  
遂謂熟志邑中掌故乙丑春正前侯王  
綸階明府因縣志缺廢百餘年毅然有  
重修志詢諸邑人孫蓮塘少宰張喜煦

刺史咸曰此事非某莫任余聞之亟謝  
不敏乃議延南皮潘心潭孝廉任秉筆  
事里各擢有訪探之人大局甫定明府  
捐廉首倡而以憂去官事幾中輟延至  
寅夏趙順亭表弟過余曰一邑之文獻  
存亡吾輩士大夫是視無其始者尚宜

二

舉之今舉而輒止非兄與少宰刺史責  
乎且何以謝綸階明府也余惟唯順  
亭遂因學博劉公告諸今宰江左泉邑  
侯亦慨任董勸力黜黨高訪延諸章  
悉仿前議余與少宰刺史收集往志及  
各里訪冊裁酌體例順亭往來達意由

縣文孝廉編撰時常於舍聚商不設局  
而冗費省樂多助而輿論孚舉則眾警  
煩有獨任年餘而書告成接古續今因  
創參用前志不為喜功於後志亦求  
善過於前雖正訛訂誤多援高故輯存  
而事祇攷古論不及今凡近時人物筆

削取舍秉筆者資搜訪丹一依體例及  
今侯之裁斷庶幾文獻足徵旌別可信  
竊仿於國之有史以勿負綸階前侯雅  
意而余未嘗創一見闕一解否蓋仍喜  
干預縣事之意如書將付梓少宰剡史  
及順亭認爲序於余以韋獲辭爰陳類

未亦以誌實云尔

皆

同治六年歲次強圉單閼涂月下浣之  
吉邑人劉慶凱顓夫氏撰





鹽山縣志目錄

卷首

總志 舊序 新修姓氏 凡例 圖繪

卷一

輿地志 星野 沿革 疆域 山川 古蹟

卷二

建置志 城池 公署 街巷 里鋪 坊表  
橋梁 倉儲 市集 汛防 鋪遞

卷三

典禮志 壇廟 祀典 慶典

卷四

學校志 廟制 祠位 祭典 學制  
學署 書院 學田

鹽山縣志

目錄

一

卷五

風土志 風俗 歲時 占候  
祥異 方言 物產

卷六

賦役志 田賦 解支 戶口  
鹽課 雜課 蠲卹

卷七

職官志 封國 知縣 教諭 訓導 典史  
巡檢 場官 武職 汰職

卷八

宦政志

卷九

選舉志上 薦辟 進士 舉人 各貢

卷十

選舉志下 例仕 掾仕 武科 武仕  
封贈 恩廕 省祭 賓耆

卷十一

人物志上 史傳 仕績 名德 儒林 文苑

卷十二

人物志下 孝行 義行 武功 節義 高逸  
鄉行 藝術 僑寓 方外

卷十三

列女志 賢淑 節孝 貞烈 壽婦

卷十四

鹽山縣志

目錄

二

金石志 碑記 表誌

卷十五

藝文志上 詔勅 上書 表 議 書  
文 疏 記 述 引 啟

卷十六

藝文志下 傳 序 跋 賦 詩

卷末

叢志 寺觀 古墓 軼事 紀異

鹽山縣志卷首

總志

舊序

新修姓氏

凡例

圖繪

初修原序

明嘉靖  
癸巳

知縣  
時尙儒  
臨清人

古者列國皆有史以紀時事秦漢以來郡邑例各有志  
資人考證誠不可缺之典也鹽邑畿內名邑志亦屢經  
修輯竟未成書嘉靖丙戌余承乏斯邑首詢是編得於  
庠生高凝遠氏取而讀之中間紀載詳略多所失中每  
欲筆削梓行奈水旱洊臻民災而做逋負甚多簿書嚴  
急因循三載皆是故也庚寅秋余以報政回禾黍頗登  
往年逋負之重且急者亦漸次即敘迺謀於邑庠博士

鹽山縣志

卷首

三

濟南陳子廷美樂安連子禧載遴選諸生有學行者宋  
生宇趙生潤楊生文卿暨高生四人館於靜室授以凡  
例博求典籍俾加刪定余時政暇親臨校讐焉冗者汰  
之遺者拾之怪誕不經無補於治者去之雖其書法不  
能盡得乎古史然而一方土宇之廣狹物產之良惡生  
齒之耗繁時代之變遷事物之因革彙括略盡嗣是從  
政於斯生長於斯者皆可以人得一帙時或閱之則其  
施爲仰止之間孰可以急孰可以緩孰可以勸與懲焉  
不知少有得於咕嗶之餘否也是爲序

又序

嘉靖  
癸巳

冷宗元

重慶人

鹽山故無志有志自時候始志鏤且完冷子取而讀之  
嘆曰古者列國皆有史今則郡邑之志也史以事詞勝  
而道寓焉昔稱太史公曰文真事核稱班書曰旨富辭  
文夫紀述之作不欲太繁繁則事多猥瑣詞蕪而弗修  
不欲太簡簡則詞渺紆徐事鬱而弗彰故續辭藻思以  
盡其文鈎深探賾以盡其富而不虛隱以真之不臆鑿  
以核之若左氏之微婉兼南史之典實斯無愧焉鹽山  
志其有二子之心乎哉得其心弗泥於迹而後道可幾  
也鹽山邑於河間之東燕齊之交地薄而賦煩時候之  
初至也歲比不登訟牒紛委候乃祛弊剔蠱滌梗植弱

鹽山縣志

卷首

四

事且就理矣於是手自刪校閱歲而志克成觀其敘事  
記言必徵諸故實折衷於古首之以星紀次之以物產  
而人材宦蹟之屬皆傳信以述而弗徇之私焉乃又博  
采周咨潤色爾雅披覽之際凡鹽之所有蔚然溢目可  
不謂核而能文者歟予嘗慨書生牽於章句之習史學  
幾廢而弗講適者有識之士亦欲崇任史官丕振斯學  
然則茲志之傳也庶有裨於盛代矣乎且吾聞之鹽有  
忠肅王公爲國初名臣今載其行事光映簡冊邑之後  
學覽而思之擬迹先哲則又吾侯作人之功也已侯臨  
清人蒞政精敏有廉節行將上最膺廕仕於天下也而